



ພຽງ ຜູ້ ຈຳເປັນ ພຽງ
 ພຽງ ຈຳນວນ ພຽງ ພຽງ
 ພຽງ ພຽງ ພຽງ



AWIG-AWIG
DESA ADAT CANDIKUNING I
KECAMATAN BATURITI KABUPATEN TABANAN
 2001

ဤ ဖွဲ့စည်းပုံစံကို အောက်ဖော်ပြပါအတိုင်း ဖြစ်စေရမည်။

၇၁ ကျဆုံးပေး

၇၁ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။
 ၇၁ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။

၇၂ ကျဆုံးပေး

၇၂ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။
 ၇၂ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။

၇၃ ကျဆုံးပေး

၇၃ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။
 ၇၃ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။

၇၄ ကျဆုံးပေး

၇၄ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။
 ၇၄ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။

၇၅ ကျဆုံးပေး

၇၅ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။

၇၆ ကျဆုံးပေး

၇၆ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။
 ၇၆ ကျဆုံးပေးခြင်းကို အောက်ဖော်ပြပါအတိုင်း ဖြစ်စေရမည်။

ARTIN NIYASA DESA ADAT CANDIKUNING I:

1. Bucu Lima : Desa Adat Candikuning I mikukuhin Panca Sila maka dasar negaran druene.
2. Gunung Lan Danu : Desa Adat Candikuning I ngamongin danu lan gunung, maka lambang buwana agung lan pokok kasujahteraan gumi, sane pacang kasutindihin kalestariane antuk krama.
3. Candi Bentar lan Meru : Desa Adat Candikuning I desa adat sane madasar tur mikukuhin agama Hindu.
4. Rante Mas : Desa Adat Candikuning I nyujur kaingkupan sareng sami makrama desa, paras paros sarpanaya, sagilik-saguluk salunglung sabhayantaka.
5. Padi lan Kapas : Desa Adat Candikuning I ngulati kasujahtran wargannya.
6. Sasurat Parartha Paramartha : Tetujon Prajuru / Dulun Desa Adat Candikuning I wantah ngulati kasujahteraan wargannya sekala niskala.

PIDAGING CAKEPAN AWIG-AWIG

PIDAGING CAKEPAN AWIG-AWIG		
MURDHA WAKYA		1
PRATAMAS SARGAH	ARAN LAN WEWIDANGAN DESA	1
DWITYAS SARGAH	PATITIS LAN PAMIKUKUH	2
TRITYAS SARGAH	SUKERTA TATA PAKRAMAN	3
	Palet 1. Indik Krama	3
	Palet 2. Indik Prajuru / Dulun Desa	6
	Palet 3. Indik Kulkul	8
	Palet 4. Indik Paruman	9
	Palet 5. Indik Padruwen Desa	10
	Palet 6. Sukerta Pamitegep	11
	Kaping 1. Karang Lan Tegal	11
	Kaping 2. Pepayonan	11
	Kaping 3. Wewangunan	12
	Kaping 4. Wewalungan	13
	Kaping 5. Bhaya	13
	Kaping 6. Panyanggran Banjar	14
CATURTAS SARGAH	SUKERTA TATA AGAMA	14
	Palet 1. Indik Dewa Yadnya	14
	Palet 2. Indik Resi Yadnya	18
	Palet 3. Indik Pitra Yadnya	18
	Palet 4. Indik Manusa Yadnya	21
	Palet 5. Indik Bhuta Yadnya	22
PANCAMAS SARGAH	SUKERTA TATA PAWONGAN	22
	Palet 1. Indik Pawiwahan	22
	Palet 2. Indik Nyapian	23
	Palet 3. Indik Sentana	23
	Palet 4. Indik Warisan	23
SAD SARGAH	WICARA LAN PAMIDANDA	24
	Palet 1. Indik Wicara	24
	Palet 2. Indik Pamidanda	24
SAPTAMAS SARGAH	INDIK UTSAHA LAN DESA WISATA	25
ASTAMAS SARGAH	NGUWAH-NGUWUHIN AWIG-AWIG	26
NAWAMAS SARGAH	PAMUPUT	26

AWIG-AWIG DESA ADAT CANDIKUNING I

MURDHA WAKYA

“OM AWIGNAMASTU NAMA SIDHA”

Saking asung wara nugraha Ida Sang Hyang Widhi Wasa sajeroning ngastuti ngrajegang tata susila, tata krama sane maka wit sinar kasucian Agama Hindu, nganutin Desa Kala Patra maduluran antuk karaketan pasikian sajeroning Krama Desa Adat Candikuning I minakadi nemesan tulung tinulung, gumanti mangguh sukerta, trepti miwah karahajengan.

Titiang sinamian saking Krama Desa Adat Candikuning I malantaran antuk putusing Paseban Krama Desa Adat Candikuning I, midabdab ngraremin kalih nyungkemin awig-awig sane kamanggehang ring wewengkon Krama Desa Adat Candikuning I kadi ring sor puniki :

PRATAMAS SARGAH

ARAN LAN WEWIDANGAN DESA

Pawos 1

1. Desa Adat puniki mawasta Desa Adat Candikuning I.
2. Jebar kekuwub wewidangan mawates nyatur :
 - ha. Sisi Wetan (Kangin) ring : Danu Beratan.
 - na. Sisi Kulon (Kauh) ring : Wana Negara Bukit Tapak.
 - ca. Sisi Kidul (Kelod) ring : Banjar Adat Bukit Catu.
 - ra. Sisi Lor (Kaja) ring : Desa Adat Kembang Merta.
3. Jebar wewidangan sane kakuwub antuk wates-wates inucap ring ajeng wenten 1545 hektar.
4. Desa Adat puniki kawangun antuk pepupulan karang paumahan sajabag wewidangan Desa Adat Candikuning I kepah dados 3 (tigang) banjar adat luih ipun :
 - ha. Banjar Adat Candikuning Kelod.

- na. Banjar Adat Candikuning Tengah.
- ca. Banjar Adat Candikuning Kaja.
- 5. Sane munggah kekuwub wewidangan Desa Adat Candikuning I manut dresta luire:
 - ha. Pupulan Karang paumahan, sinanggeh palemahan Desa Pakraman.
 - na. Setra, miwah tegak ring kekuwub wewidangan Desa, sajabaning palemahan
Desa Pakraman, manggeh tlajakan Desa.
- 6. Awig-awig, pararem miwah sahanan pasuaran desane manggeh kajejerang ring
kekuwub wewidangan desa sami.

DWITYAS SARGAH

PATITIS LAN PAMIKUKUH

Pawos 2

Desa Adat Candikuning I ngamanggehang pamikukuh minakadi :

1. Pancasila.
2. Undang-Undang Dasar 1945 pamekas pasal 18.
3. Tri Hita Krana manut sadacara Agama Hindu.

Pawos 3

Luir Patitis Desa Adat Candikuning I:

1. Mikukuhin miwah ngrajegang Sang Hyang Agama.
2. Nginggilang tata prawertining magama.
3. Ngrajegang kasukertan Desa saha Pawongan sekala lan niskala.

TRITYAS SARGAH
SUKERTA TATA PAKRAMAN

Palet 1

Indik Krama

Pawos 4

1. Sahananing sang jenek mapaumahan ring wewidangan Desa Adat Candikuning I sinanggeh warga Desa.
2. Krama Desa Adat Candikuning I inucap linggihnyane wenten 2 soroh :
 - ha. Krama Desa sane magama Hindu tur nyungkemin Kahyangan Desa Adat sinanggeh Krama Desa Adat Candikuning I.
 - na. Sajaba punika sinanggeh Tamiu.

Pawos 5

Dasar Pakraman :

1. Sahanan warga desa sane sampun marabian, patut ngawit makrama Desa Adat.
2. Satunggil krama manut karendahan kulawarga patut keni ayah-ayah sinalih tunggil :
 - ha. Ayahane Ngarep.
 - na. Ayahane Balu.
3. Sesengker ngawit tedun ngayah yan sampun marabian 3 (tigang) sasih ngawit saking pakala-kalaan.
4. Krama sane wenang nyada yan sampun kapastika luire :
 - ha. Sungkan tahunan.
 - na. Yan sampun madue pangentos/panyledii.
 - ca. Risampun mayusa 75 (pitung dasa lima) warsa.
5. Sang saking siosan Desa, tedun makrama Desa Adat Candikuning I, patut kakenain batu-batu utawi pamogpog sane agengnya manut pararem.

6. Yening wenten Krama saking siosan desa ngranjing makrama Desa Adat Candikuning I, patut kadulurin antuk katerangan sane jangkep.

Pawos 6

Wusan dados Krama Desa luire :

1. Sangkaning :
 - ha. Pinunas ngraga.
 - na. Kanorayang.
2. Sang wusan makrama :
 - ha. Tan polih pahpahan sangkaning padruen desa sajawaning usaha desa.
 - na. Magingnsir saking linggih wewidangan Desa Adat Candikuning I.
 - ca. Wit piwal ring pararem krama desa utawi tan tinut ring pituduh Prajuru indik nyupat raga ngeshin prawerti.
 - ra. Tata nitenin wusan dados krama desa inucap kasulurang manut pararem.

Pawos 7

Sahanan Krama Desa keni tetegenan (ayah-ayah) luire :

1. Ayahan nyumak/ngarep mapiteges urunan miwah ayahan mamungkul saking Krama ngarep.
2. Ayahan balu luire :
 - ha. Balu remban, sane pianaknyane kantun alit-alit punika keni ayah-ayah balu.
 - na. Balu nglentik, keni ayah-ayah balu manut balunnyane (yan lanang ayahan lanang, yan istri ayahan istri).
3. Ritatkala ngardi wewangunan kabuatan Desa Adat, kramane keni ayahan manut pawos 7, taler urunan sakadi ring sor :
 - ha. Urunan rata manut pararem.
 - na. Dana punia, manut kalascaryan sang madana punia.

Pawos 8

Krama Desa kadadosang :

1. Mapuangkid utawi tan tedun :
 - ha. Rikala mapawangunan, ngerabin, mayadnya, kaluasan masengker duasa.
 - na. Keni dedawuhan saking guru Wisesa.
 - ca. Kapialang luire sungkan, matepetin, kapademan, lan sakancannyane.
2. Dados ngwakilang ring jadm tiosan sane sampun menek truna/daha.
3. Dados mogpog / numbas prade :
 - ha. Dados pegawai negeri / pemerintah.
 - na. Magingsir genah yening ngrereh pakaryan ring desa siosan.

Pawos 9

Paturunan miwah lelututan :

1. Paturunan utawi pepeson krama desa, sajeroning ngulati kasukertan desa kapitegenang ring krama.
2. Desa / Banjar mapaweh lelututan ayah-ayah utawi pakenan-kenan ring sang kainggilang linggih, utawi sang kawelas asih.
3. Sor singgih lelututan miwah bacakan sang luput, kaungganghang ring pararem.
4. Sajabaning prajuru desa sane kapastika patut polih lelututan pamekasnya :
 - ha. Para sadaka makadi pamangu kayangan, panyiwian lan panyada.
 - na. Para sрати lan sutri.
 - ca. Sang sungkan tahunan.
 - ra. Wong cuntaka banget.
 - ka. Wong ubuh tan madrue meme bapa.

Palet 2

Indik Prajuru / Dulun Desa

Pawos 10

1. Desa Adat Candikuning I kaenter antuk Bendesa Adat.
2. Banjar kaenter antuk Kelian Banjar.
3. Bendesa Adat lan Kelian Adat patut :
 - ha. Mawiwit saking krama ngarep utawi pangele.
 - na. Kadegang malarapan antuk pamilihan olih paruman Desa, nyabran 5 (limang) warsa, sajabaning wenten pari-indikan tios, kengin kapilih malih.
 - ca. Maduluran atur piuning ring Pura Desa.

Pawos 11

1. P desa Adat kasanggra antuk :
 - ha. Pangliman pinaka wakilnya.
 - na. Penyarikan pinaka juru surat.
 - ca. Patengen pinaka pangemong druen Desa.
 - ra. Juru arah pinaka pangencang/sinoman.
2. Sejeroning ngenterang kasukertan kaniskala, Bendesa Adat patut mingsinggihang pamangku Kahyangan Desa.

Pawos 12

1. Swadarmaning Bendesa Adat luire :
 - ha. Ngenterang paruman-paruman Desa Adat.
 - na. Ngenterang pa ksanan sadaging awig-awig miwah pamutus-pamutus pararem.
 - ca. Ngraksa saha ngatur tataning ngangge saraja brana druen Desa.
 - ra. Nuntun saha ngenterang Krama desa rauhing warga desa sami ngupadi kasukertan sekala lan niskala.

- ka. Nuntun saha nyaksinin tata cara sangaskaraning kauripan sane mabuat minakadi sane ngilitang sulur pakulawargan.
 - da. Nuntun saha ngenterang warga desa ngupadi nginggilang Sang Hyang Agama, miwah tata caraning ngangge setra.
 - ta. Mawosin kalih niwakin pamutus marep ring wicara warga Desa.
 - sa. Ngwakilin Desa matemuang bawos ring sapa sira ugi.
 - wa. Lan sane siosan sane wenten paiketannya ring desa Adat.
2. Tata cara nglaksanayang swadarma ring ajeng tan maren patut anut ring daging awig-awig, pararem, dresta miwah pamutus paruman desa.
 3. Palaksanaan ring ajeng patut kasiarannng ring desa kapungkur ipun.
 4. Sumakuta / sumanggup natak pamutus paruman desa ngeninin swadharman soang-soang.

Pawos 13

Patias utawi olih-olihan prajuru desa, luire :

1. Luput reramon (pepeson).
2. Tan keni urunan sane mangge ring banjar / desa Adat.
3. Polih sesari canang ritatkala wenten aturan ring kahyangan, manut pararem.

Pawos 14

1. Prajuru Desa Adat kaadegang ngantos 5 (limang) warsa, ngawit saking padewasan kaadegang prajuru.
2. Prajuru desa sane sampun telas warsa swadharmannya, dados kapilih malih.
3. Sulur mamilih prajuru desa saha luire kapastika malarapan paruman desa.
4. Wusan dados prajuru desa Adat, sangkaning :
 - ha. Pinunas ngraga.
 - na. Kauwusang olih krama.

- ca. Telas sesengker.
 - ra. Seda.
 - ka. Kanorayang duaning iwang pamargi, nilar sesana.
5. Nganorayang utawi ngentosin prajuru patut sajeroning paruman tur kaingkupin antuk krama desa.

Palet 3

Indik Kukul

Pawos 15

1. Kukul ring Desa wenten :
 - ha. Kukul desa
 - na. Kukul (kukul) Banjar.
 - ca. Kukul sekaa-sekaa.
2. Kukul Desa / Banjar manggeh piranti / serana tengerannya kabuatan anggen wangsit ring wewidangan Banjar / Desa Adat.
3. Kukul Banjar tan wenang katepak yaning tan manut kadi daging awig-awig.
4. Tabuh suaran kul-kul manut dresta tur rerinciannya kaunggahang ring pararem.
 - Tabuh kul-kul tedun ngayah, parum mayadnya tepakannya atuludan banban.
 - Tabuh kukul wong seda, tepakannya ping tiga banban.
 - Tabuh kukul ngorod, tepakannya manut pararem.
 - Tabuh kukul madrue oka manut pararem.
 - Tabuh kukul katiben baya : umah puun, kamalingan tepakan atulud.
 - Tepakan kukul wangde ngayah, manut pararem.

Pawos 16

1. Kukul desa utawi banjar tan wenang katepak yaning tan sangkaning pituduh prajuru desa/banjar, sajawaning tengeran kapancabaya.

2. Sang nepak tan sangkaning pituduh prajuru patut digelis atur supeksa maka buatan panepakan, yan piwal wenang sang mamurug kadanda manut pararem.
3. Kulkul sekaa-sekaa tan kalugra nyawerin/matehin sukat utawi tengeran kulkul desa/banjar, prade mamurug taler kadanda manut pararem.

Palet 4

Indik Paruman

Pawos 17

1. Paruman sajeroning Desa Adat Candikuning I kapalih dados kalih soroh :
 - ha. Paruman Desa Adat/Banjar, kawentenang nyabran sasih.
 - na. Paruman Prajuru, kawentenang manut kabuatan.
 - ca. Paruman daha truna, kawentenang manut kabuatan.
2. Paruman Desa utawi Banjar madudonan sakadi ring sor :
 - ha. Prasida lumaksana risampun kadudonang antuk sang patut ngamiletin kamanggala lumaksana antuk tengeran kulkul, miwah mabusana Bali, malarapan ngarcana Ring Ida Bagawan Penyarikan maka serana Widi Widana.
 - na. Maka pangawit kalaksanayang panyacak sane kasep saha ring wusnya nyacak, kadanda ageng alit manut pararem.
 - ca. Pamutus bebawos briuk sapanggul (ingkup) punika kamanggehang.
3. Prade pidaging paruman kaingkupin mangda prajuru desa, ngilikang bebawos, saha putusannya mangda kararemin antuk krama Desa, bilih tan prasida kasungkemin jantos ping tiga prajuru wenang nunas bebawos ring sang ngawawenang.

Pawos 18

1. Sajeroning paruman Desa, Bendesa Adat patut nyiarang pamargin ngenterang Desa pamekas ngenenin indik :

Palet 6

Sukerta Pamitegep

Kaping 1

Karang Lan Tegal

Pawos 21

1. Krama Desa pangemong karang patut ngwatesin karangnya soang-soang.
2. Wates gegaleng kateben/kaluan karang/druwen sinalih tunggil krama mangda nganutin dresta, tur kakaryanin olih sang adruwe.
3. Prade karasayang pagehan/turus inucap nglikadin, yan pada arsa sang kabrebean mangda atur supeksa ring prajuru.
4. Prade wenten karang kabebeng mangda kautsahang wenten pamargannya.

Sang piwal ring pidabdab desa, wenang kadanda manut pararem.

Pawos 22

1. Sinalih tunggil Krama Desa/Banjar tan kalugra :
 - ha. Ngalah-alah marga/margi, tegal ayahan desa.
 - na. Ngalah-alah tanah, tegak kahyangan, setra, lan sakancan tegak sinaggeh suci.
 - ca. Prade wenten sakadi ring ajeng, sang ngalahlah patut ngwaliang tanah inucap saha keni pamidanda antuk arta lan dewa danda manut pararem.

Kaping 2

Pepayonan

Pawos 23

1. Ngawit nandur pepayonan tanem tuwuh, adepa agung ngajeroang saking wates, prade jantos ngliwat wates wenang kasepat gantungin.

2. Yaning wenten tetanduran ngungkulin, samalihe mawastu mayanin pisaga patut kawara antuk paiguman, ping ajeng prasida sang nruwenang wit ngebah utawi notor.
3. Prade sampun kaware taler tan wenten usaha sang nruwenang wit, sang rumasa katetehan/kajerihang wenang masadok ring prajuru/dulun desa, tur risampun kaparitas kalugra ngicalang wit inucap, sakewanten patin pepayonan patut katawur manut panglokika sang nepasin.
4. Sang keni pamidanda panyangakaran saha prabia manut pararem arep ring wewangunan sang karubuhin, luwire :
 - ha. Sang nruwenang wit sinanggeh mayanin, prade pungkak ngrubuhin wewangunan krama tios.
 - na. Sang notor, monggol utawi ngrebah taru tur ngrubuhin krama tios.
5. Krama Desa patut ngamanggehang kawerdian tanem tuwuh sane ngawinang Desane asri tur lestari (lingkungan hidup).

Kaping 3

Wewangunan

Pawos 24

1. Nyabran ngwangun patut :
 - ha. Masadok ring prajuru/dulu, ping ajeng pawangunan ngeninin wates.
 - na. Ngangge asta bumi miwah gegulak asta kosala kosali, sanistannya manut ring patitis niskala.
 - ca. Tan nyayubin kapisaga.
2. Prade wewangunan ngantos nyayubin bilih-bilih temboke ring telenging wates, risampun kawara tur kasodakang ring prajuru/dulu, wenang kadanda manut pararem, saha tembok inucap kagubar olih sang adruwe.
3. Sang tungkas ring pidabdab Desa wenang kadanda manut pararem.

Pawos 27

1. Sang manggihin kahanan bhaya (kamalingan), patut nepak kulkul pamitulung anut ring pawos 16.2 aksara na, tur sang kamalingan atur supeksa ring prajuru/dulun desa, sang kacihnan mamaling barang sinanggeh suci druen Desa, keni dewa lan artha danda manut pararem.
2. Sang kacihnan mapailon ring dusta keni danda, agung alit manut pararem.

Kaping 6

Panyanggran Banjar

Pawos 28

1. Krama Banjar sajabag Desa Adat Candikuning I wenang nyanggra karya suka duka krama soang-soang.
2. Panyanggrane manut pararem.
3. Sang pacang makarya suka duka sane mabuat mangda masadok ring prajuru.
4. Sang nungkasin pidabdab Desa, keni danda manut pararem.

CATURTAS SARGAH

SUKERTA TATA AGAMA

Palet 1

Indik Dewa Yadnya

Pawos 29

1. Palingih panyiwian sawidangan Desa Adat Candikuning I luire :
 - ha. Kahyangan Tiga : Pura Desa, Pura Puseh, Pura Dalem.
 - na. Pura Pucak Candi Mas.
 - ca. Pura Mrajapati.
 - ra. Pura Merta Sari.
 - ka. Pura Melanting.

2. Rerahinan/piodalan ring soang-soang Kahyangan inucap kadi ring sor :
 - ha. Pura Puseh/Pura Merta Sari : Anggara Kliwon, Julungwangi.
 - na. Pura Desa/Pura Pucak Candimas : Buda Cemeng, Kelawu.
 - ca. Pura Dalem/Pura Mrajapati : Anggara Kliwon, Prangbakat.
 - ra. Pura Melanting : Saniscara Kliwon, Wariga.
3. Pangaci ring pura inucap manut kecap agama, saha kalaksanayang nista, madya, utama manut krama kawentenan ring pararem.

Pawos 30

1. Ring soang-soang pura inucap kawentenang pemangku.
2. Ngadegang pemangku manut dudonan :
 - ha. Nyanjan utawi masemurang, soang-soang mapiteges mapinunas ring ajeng Penataran wiadin ka pura Desa.
 - na. Turunan utawi ngwaris.
 - ca. Kacatri olih krama desa.
3. Tan kawenangang ngangge pemangku luwire :
 - ha. Cedangga, luire : peceng, perot, cungh lan sapanunggalannya.
 - na. Sang sapa sira ugi sane tan kapatutang manut pararem.
 - ca. Sakit ila, ayan, buduh, wiadin edan.
 - ra. Sane madrebe kasucian tan becik.
 - ka. Ngadegang/nguwusang pemangku kasulurang manut pararem.
4. Prabea kamangkuan :
 - ha. Prabean upakara ngwentenang (adiksa widhi) marep ring pemangku kamedalin olih krama desa.
 - na. Prabea pitra yadnya marep ring panyada, srati, sutri inucap yan seda riwekas, desane maweh dana atiwa-tiwa manut pararem.
 - ca. Pemangku patut ngamanggehang sesananing pemangku.

Pawos 31

Swadarmaning Pemangku/Kemangkuan :

1. Ngenterang upakara ring kahyangan utawi pakubon soang-soang krama.
2. Prade salah sinunggil pemangku kapialang utawi cuntaka kengin nyelang mangku tiosan utawi nuur sang sulinggih katitenin prajuru.
3. Pemangku tan kahanan cuntaka, yan pemangku kapademan wenang alepas dharma kasulurang manut pararem.
4. Mungguh tedun ring palinggih kahyangan desa miwah ngiasin pralingga-pralingga manut pamastikan prajuru.
5. Rejeh nganutin sesanan kamangkuan.

Pawos 32

Patias utawi olih-olihan pemangku :

1. Panyolasan miwah sarin canang soang-soang sang pakubon krama desa.
2. Luput pakaryan miwah reramon.
3. Polih sarin canang ritatkala wenten aturan ring pangemong apempatan.
4. Luput saluiring prabia wewangunan, ring kahyangan sane kaamong.

Pawos 33

1. Pemangku kagentosin riantukan :

ha. Seda.

na. Pinunas ngraga.

ca. Kawenangan krama rehning timpang ring sesanan mangku.

1. 2. Tata caraning ngentosin pemangku kasulurang manut pararem.

Pawos 34

Kasukertan kahyangan kadi ring sor :

1. Tan kalugra ngranjing ka pura luire :

ha. Sang katiben cuntaka mekadi sebel saking ngeraga :

(1). Sebel kandel ngraga/ngraja suwala, salami dereng mabersih.

(2). Sebel madruwe putra, salami 42 rahina.

(3). Sebel pangantenan, salami dereng mabiakala/pakala-kalaan.

(4). Sebel riantuk madruwe kulawarga kapademan, kalayu sekaran ngantos masepuh.

na. Makta sahanan barang sinaggeh ngletehin manut agama.

ca. Sato Agung, sajawaning rikala mapapada.

ra. Mabusana tan manut kadi tata caraning ngranjing ka pura.

ka. Sadereng polih wak-wakan (pituduh) prajuru/dulun desa.

2. Pratingkahe tan wenang ring Pura :

ha. Masumpah/mecor, sajawaning pituduh prajuru/dulun desa.

na. Makoratan, masesenengan, makolem dados asiki lanang wadon, mabacin, nyangsang busana, menahin pusungan, mabanyu.

③ Mungguh tedun palinggih sajawaning pituduh prajuru.

4. Sang mamurug kecape ring ajeng, keni dewa lan artha danda manut pararem.

Pawos 35

1. Yan wenten jadm karawuhan ring pura, tan saking nyanjan tur ngranayang byapara krama, wenang keni dewa lan artha danda manut pararem.

2. Prade kahyangan kahanan durmanggala, minakadi kapancabhaya, pamangku patut digelis nyadokang ring prajuru/dulun desa.

3. Indik ngupahayu durmanggala kahyangan desa, mapagamel ring agama tur kasungkemin olih agama.

PALET 2

Indik Resi Yadnya

Pawos 36

1. Sang pacang madeg pamangku, balian sonteng, kubayan, dalang, saluire jagi ngenterang yadnya patut masadok ring prajuru/dulun desa.
2. Prajuru desa adat patut ngawas nitenin tur wenang ngalangin prade wenten kacihnan kakecap miwah drestane, tur sareng nyaksinin upakara saha nyiarang ring paruman desa tegap rawuhing wates kawenangan pangenter yadnya.
3. Krama desa patut madana punia sapamadeg miwah ring panglepas sang pamangku riwekas katuntun antuk prajuru/dulun desa.

Pawos 37

1. Sang pamangku patut ngutamayang muput yadnya ring wewidangan Desa Adat Candikuning I, sesampune wawu muputang yadnya kajebar tios jagat utawi ka dura desa.
2. Krama desa sami patut sareng ngawas nitenin katuntun antuk prajuru mangda sahanan yadnya sane kawentenang kaicen pamuput olih pandita utawi pinandita manut kawenangannya soang-soang.

PALET 3

Indik Pitra Yadnya

Pawos 38

1. Desa Adat Candikuning I nitenin sinalih tunggil krama nglaksanayang pitra yadnya.
2. Tata cara panyanggra inucap kasulurang ring pararem.
3. Sinalih tunggil krama kapademan/atiwa-tiwa, mangda masadok ring prajuru.
4. Sang piwal ring pidabdab desa, keni danda manut pararem.

Pawos 39

1. Swadarmaning desa :
 - ha. Kelian Desa maritatas pamargin sang kaduhkitan, napike pacang kapendem, utawi lantur kaabenang.
 - na. Prade kapendem, raris kawentenang panepak kulkul kapendem.
 - ca. Panyanggran banjar salanturnya :

Suang-suang Krama Banjar nedunin patus manut pararem.

Ngrombo ngaryanin eteh-ete saha kasarengin antuk krama.

Sami krama Banjar nganter kasetra jantos pamendeman puput.
2. Desane maweh galah ring sang kapademan, sajeroning pitung rahina kengin atiwa-tiwa sajawaning kabuatan yajamana sane tios.
3. Tan kalugra nginepang bangbang.
4. Larangan palebon ring sang kapademan punika antuk rerainan.

Pawos 40

1. Desa Adat Candikuning I ngamanggehang indik kacuntakan desa/krama mapagamel ring pamutus Mahasaba PHDI Pusat.
2. Tatacara nyulurang kacuntakan, madasar agama tur kaanutang ring drestan desa sane kasungkemin krama manut pararem.
3. Sinalih tunggil krama kahanan cuntaka durung buntas tan dados nyarubin genah suci desa lan krama suang-suang.
4. Sang piwal ring pidabdab desa makadi mamurug, keni arta danda lan dewa danda manut pararem.
5. Sesengker unteng cuntaka manut kawentenannya kasulurang kadi ring sor :
 - ha. Cuntaka kalayu sekar, cuntakannya kaanutang manut sakadi loka dresta miwah sastra dresta desa adat.

- na. Cuntaka ngraja swala, tigang rahina ngawit saking ngraja suwala utawi salami ngraja suwala.
 - ca. Cuntaka ngembasang putra 42 rahina ngawit saking putrane embas, ngantos sampun kaupakarayang makakambuhan tur prayascitan manut sakadi agama, lanang wiadin istri.
 - ra. Cuntaka karuron, cuntakannya 42 rahina, tur kalanturang matirtha pamrascita.
 - ka. Cuntaka pawiwahan, cuntakannya ngantos sampun makala-kalaan.
 - da. Cuntaka gamia gamana, cuntakannya ngantos sasampune kapalasang/kasapihang tur sampun kawentenang pamerascita raga, desa adat/kahyangan.
 - ta. Cuntaka salah timpal, kapuputang sakadi manut ring Agama Hindu tur dresta.
 - sa. Cuntaka anak isteri mobot, sane nenten kawentenang pabyakaonan, cuntakannya ngantos kawentenang upakara pabyakaonan.
 - wa. Ngembas putra nenten kawentenang upakara pabyakaonan miwah upakara Widhi Widana cuntakannya ngantos wenten sane mameras sang putra tur sampun kawentenang upakara sakadi ring ajaran Agama Hindu.
 - la. Cuntaka sad atetayi, cuntakannya ngantos sampun maprascita raga lan ngesehin prawerti.
6. Cuntaka kalayu sekar/kapademan :
- ha. Kapademan cuntakanya :
 - (1). Cuntaka/sebel kabanjar ngantos 3 (tigang) rahina riwusan mendem utawi sasampun polih prayascita (masepuh).
 - (2). Keluwargannya sajeroning pakarangan ngantos 7 (pitung) rahina.
 - na. Kaabenang cuntakannya, sang nyambut karya pitra yadnya ngawit saking nanginin, jantos arahina saking puput malebu.
7. Sane katiban cuntaka luire :
- ha. Kelayu sekar sane cuntaka :
 - (1). Sang sane kalayu sekar.
 - (2). Keluwargannya.

- (3). Bebanjaran.
- na. Ngraja swala sane cuntaka : sang sane ngraja swala.
- ca. Ngembasang putra sane cuntaka :
- Keluwargannya sane ngembasang putra lanang wiadin istri.
- ra. Pawiwahan sane kacuntakan :
- Sang sane kaupakara pawiwahan lanang wiadin istri.
- ka. Kruron sane kacuntakan : keluwargannya lanang istri.
- da. Gamia gemana sane kacuntakan :
- (1). Sang sane nglaksanayang gemana.
 - (2). Desa adatnyane.
- ta. Anak istri mobot nenten kawentenang upakara mabyakaonan sane cuntaka : sane mamargi/maraga istri (sane mobot).
- sa. Mamitra ngalang sane kacuntakan :
- Sane nglaksanayang mamitra ngalang.
- wa. Ngembas putra nenten kawentenang upakara pabyakaonan miwah upakara mawidi widana sane kacuntakan :
- Sang sane ngembas putra.
 - Putra sane kaembas.
8. Tan keneng cuntaka luire :
- ha. Sang sulinggih lan mangku kahyangan tiga.
- na. Rikala piodalan risampun ngalang sasih/ngalang tengah.

PALET 4

Indik Manusa Yadnya

Pawos 41

1. Desa Adat Candikuning I nitenin sinalih tunggil krama nglaksanayang pitra yadnya.
2. Tata cara panyanggra nitenin inucap kasulurang manut pararem.

3. Sang pacang nglaksanayang manusa yadnya sane mabuat mangda masadok ring prajuru.
4. Sang tungkas ring pidabdab desa keni danda manut pararem.

PALET 5

Indik Bhuta Yadnya

Pawos 42

1. Desa Adat Candikuning I nyanggra indik bhuta yadnya kabuatan desa.
2. Pidabdab palaksanannya inucap manut kabuatan desa, mapagamel ring agama nganutang ring dresta sane kapikukuh manut pararem.
3. Desa Adat Candikuning I nyanggra indik pangaskaran saha pidabdab pangaskarannya madasar ring uger-uger Desa Adat kaanutang ring dresta desa.
4. Desa Adat Candikuning I nitenin sinalih tunggil krama nglaksanayang bhuta yadnya sane mabuat.
5. Sang pacang nglaksanayang bhuta yadnya mangda masadok ring prajuru.
6. Sang piwal ring pidabdab desa, keni danda manut pararem.

PANCAMAS SARGAH

SUKERTA TATA PAWONGAN

Palet 1

Indik Pawiwahan

Pawos 43

1. Desa Adat Candikuning I nitenin sinalih tunggil krama nglaksanayang pawiwahan.
2. Indik pawiwahan, Desa Adat Candikuning I ngamanggehang UU No. 1 tahun 1974 lan P.P No. tahun 1975, indik pawiwahan.
3. Tata cara palaksanannya, mapagamel ring sastra agama, nganutang ring drestan desa, tur kapikukuh olih krama manut pararem.

4. Sinalih tunggil krama sane mawiwaha, mangda masadok ring prajuru.
5. Sang tungkas ring pidabdab desa, keni danda manut pararem.

PALET 2

Indik Nyapian

Pawos 44

1. Desa Adat Candikuning I nitenin sinalih tunggil krama sane mapikayun nyapian, antuk maweh tetimbang, gumanti kadurusan nyapian.
2. Yan sang inucap kukuh, desa adat tan sumakuta ring pamargiannya.
3. Sadurung pastika polih pamutus sang ngawawenang, sang inucap keni tetegenan krama kadi nguni.
4. Sang tungkas ring pidabdab desa, keni danda manut pararem.

PALET 3

Indik Sentana

Pawos 45

1. Desa Adat Candikuning I nitenin sinalih tunggil krama ngindikang sentana.
2. Indik sentana, Desa Adat Candikuning I ngamanggehang pidabdab jagat/guru wisesa, tur nganutang ring drestan desa.
3. Sang pacang ngadegang sentana, mangda masadok ring prajuru.
4. Sang piwal ring pidabdab desa, keni danda manut pararem.

PALET 4

Indik Warisan

Pawos 46

1. Desa Adat Candikuning I nitenin sinalih tunggil krama ngindikang warisan.

2. Indik warisan, Desa Adat Candikuning I ngamanggehang uger-uger jagat / pemerintah, saha nganutang ring drestan desa, manut pararem.
3. Sang pacang ngindikang warisan, mangda masadok ring prajuru.
4. Sang tungkas ring pidabdab Desa, keni danda manut pararem.

SAD SARGAH

WICARA LAN PAMIDANDA

PALET 1

Indik Wicara

Pawos 47

1. Sane wenang mawosin wicara ring Desa Adat Candikuning I inggih punika prajuru desa.
2. Prade sang mawicara tan cumpu ring pamutus kerta desa, kengin nunasang ring sang rumawos.
3. Sahanan wicara mawiwit kacorahan saka luire sinanggeh nungkasin daging awig-awig, pasuara miwah pararem desa/banjar, prajuru patut digelis mawosin tan nyantos pasadok.
4. Sajaba wicara sakadi ring ajeng patut nyantos pasadok sang nunas bawos.
5. Panepase patut pastika nyantenang iwang patut malarapan tri pramana (saksi, ilikita, bukti) miwah tan maren nepek ring catur dresta.

PALET 2

Indik Pamidanda

Pawos 48

1. Desa wenang niwakan pamidanda ring warga desa sane sisip.
2. Paniwak inucap kalaksanayang olih prajuru.

3. Bacakan pamidanda luire :
 - ha. Ayahan panukun kasisipan.
 - na. Danda artha, dewa danda saha panikel-panikelnia miwah panikel-panikel urunan.
 - ca. Rerampagan.
 - ra. Kanorayang.
 - ka. Panyangaskara.
4. Pamidanda sane katiwakang patut masor singgih manut ring kasisipane.
5. Jinah utawi raja brana pamidanda ngranjing dados druen desa.

Pawos 49

1. Krama sane langkung tigang paruman nglantur tan nawur urunan miwah dedandan wenang karampag.
2. Rerampagan ngangge tata cara kadi sor puniki :
 - ha. Kalaksanayang antuk prajuru kasarengin antuk krama desa tigang diri pinaka saksi.
 - na. Sang ngrampag saha darsana ngambil barang utawi nyawenin tanem tuwuh, akehnya manut ring utang sang karampag.
 - ca. Prajuru/dulun desa miteketang mangda barang-barang sane karampag digelis katebus, masengker awuku, ring kutus rahina pacang kadol.
 - ra. Tan ngeninin saluwir barang sane patut inggilang manut agama miwah mademang pangupajiwa sang karampag.

SAPTAMAS SARGAH

INDIK UTSAHA LAN DESA WISATA

Pawos 50

1. Usaha sane kalaksanayang ring Desa Adat Candikuning I madue tetujon jagi nincapang kasukertan krama desa adat.
2. Usaha inucap salanturnya jaga kamanggehang ring pararem.

Pawos 51

1. Desa Adat Candikuning I kamanggehang Desa Wisata.
2. Tata cara lan pidabdab Desa Wisata manut pararem.
3. Olih-olihan Desa Wisata salanturnya kamanggehang manut pararem.

ASTAMAS SARGAH

NGUWAH-NGUWUHIN AWIG-AWIG

Pawos 52

1. Nguwah-nguwuhin awig-awig desa puniki kalaksanayang antuk paruman desa.
2. Awig-awig puniki kamargiang ngawit kaingkupin (kararemin).

Pawos 53

1. Sakaluring indik sane sampun mamargi sadereng awig-awig puniki masurat, kaanutang ring sadaging awig-awig puniki.
2. Sakaluring sane durung kasurat sajeroning awig-awig puniki pacang kasurat ring pararem.

NAWAMAS SARGAH

PAMUPUT

Pawos 54

1. Awig-awig puniki kararemin duk :

Rahina : Radite Umanis Menail, tanggal ping Kalih, Sasih Kanem,
Içaka warsa 1923.

Tanggal Masehi : 16 Desember 2001

Magenah ring : Candikuning.

2. Awig-awig puniki kalingga tanganin antuk Bendesa Adat, miwah olih sang ngawawenang, manut kawenangannya.
3. Luwir sang sane ngingga tanganin :


Bendesa Adat Candikuning I



I Made Wana

Para Kelian Banjar

Kelian Banjar Candikuning Kaja



I Ketut Purna

Kelian Banjar Candikuning Tengah



I Nengah Sumaja


Kelian Banjar Candikuning Kelod



I Gst. Pt. Mendra

Saksi-Saksi :

Kepala Desa Candikuning



Kt. Mandiyasa AP. S.Pd


Ketua Parisada Hindu Dharma Indonesia

Kecamatan Baturiti.



Drs. I Wayan Purnayasa


Camat Baturiti



Drs. I Km. Alit Suambara


KAWIKANIN OLIH :

1. Ketua Badan Pelaksana Pembina
Lembaga Adat Kab. Tabanan





Drs. I Wayan Japa

2. Ketua Parisada Hindu Dharma Indonesia
Kabupaten Tabanan




Drs. I Made Samba

3. Kepala Kantor Departemen Agama
Kabupaten Tabanan



Drs. I Wayan Senatra

Murdaning Pamikukuh
Bupati Tabanan



I NYOMAN ADI WIRYATAMA BA

Mengetahui dan telah dicatatkan :

Tanggal : 23 JANUARI 2002

Reg nomor : 189/04/HK.